

ATODLEN

(a gyflwynir gan adran 3)

COMISIYNYDD SAFONAU [F¹Y SENEDD]

Diwygiadau Testunol

- F1** Gair ym mhennawd yr **Atod.** wedi ei amnewid (6.5.2020) gan **Deddf Senedd ac Etholiadau (Cymru) 2020 (anaw 1)**, a. 42(2), **Atod. 1 para. 3(5)(a)**

Ei benodi

- 1 Rhaid i'r [F²Senedd] wneud trefniadau —
- i sicrhau bod unrhyw berson a benodir yn Gomisiynydd wedi'i nodi drwy gystadleuaeth deg ac agored, a
 - i bennu'r telerau y bydd y penodiad hwnnw, o'i wneud, yn effeithiol odanynt.

Diwygiadau Testunol

- F2** Geiriau yn y Mesur wedi eu hamnewid (6.5.2020) gan **Deddf Senedd ac Etholiadau (Cymru) 2020 (anaw 1)**, **Atod. 1 para. 3(11)** (ynghyd ag **Atod. 1 para. 3(6)(7)**)

Gwybodaeth Cychwyn

- I1** **Atod. para. 1** mewn grym ar 10.12.2009, gweler **a. 21(2)(a)**

- 2 Caniateir i'r trefniadau y cyfeirir atynt ym mharagraff 1, (ond nid penodi'r person a nodir fel hyn,) gael eu dirprwyo gan y [F²Senedd], yn gyfan gwbl neu'n rhannol, i'r Comisiwn, i'r Pwyllgor Safonau Ymddygiad neu i staff y [F²Senedd] a chaniateir i'r trefniadau hynny gynnwys personau sy'n annibynnol ar y [F²Senedd].

Diwygiadau Testunol

- F2** Geiriau yn y Mesur wedi eu hamnewid (6.5.2020) gan **Deddf Senedd ac Etholiadau (Cymru) 2020 (anaw 1)**, **Atod. 1 para. 3(11)** (ynghyd ag **Atod. 1 para. 3(6)(7)**)

Gwybodaeth Cychwyn

- I2** **Atod. para. 2** mewn grym ar 10.12.2009, gweler **a. 21(2)(a)**

Diwygiadau Testunol

- F2** Geiriau yn y Mesur wedi eu hamnewid (6.5.2020) gan **Deddf Senedd ac Etholiadau (Cymru) 2020 (anaw 1)**, **Atod. 1 para. 3(11)** (ynghyd ag **Atod. 1 para. 3(6)(7)**)

Gwybodaeth Cychwyn

- I1** **Atod. para. 1** mewn grym ar 10.12.2009, gweler **a. 21(2)(a)**
I2 **Atod. para. 2** mewn grym ar 10.12.2009, gweler **a. 21(2)(a)**

Corfforaeth undyn

- 3 Mae'r person sydd am y tro yn dal swydd Comisiynydd Safonau [F³y Senedd] i fod yn gorfforaeth undyn, o dan enw'r swydd honno.

Diwygiadau Testunol

F3 Gair yn [Atod. para. 3](#) wedi ei amnewid (6.5.2020) gan [Deddf Senedd ac Etholiadau \(Cymru\) 2020 \(anaw 1\)](#), a. 42(2), [Atod. 1 para. 3\(5\)\(b\)](#)

Gwybodaeth Cychwyn

I3 [Atod. para. 3](#) mewn grym ar 10.12.2009, gweler [a. 21\(2\)\(a\)](#)

Dogfennau

- 4 (1) Mae gosod sêl y Comisiynydd i'w ddilysu —
- â llofnod y Comisiynydd, neu
 - â llofnod unrhyw berson a awdurdodir gan y Comisiynydd at y diben hwnnw.
- (2) Caniateir i ddogfen sy'n honni ei bod wedi'i gweithredu'n briodol o dan sêl y Comisiynydd neu ei bod wedi'i llofnodi ar ran y Comisiynydd gael ei derbyn fel tystiolaeth ac, oni phrofir i'r gwrthwyneb, rhaid cymryd ei bod wedi'i gweithredu felly neu wedi'i llofnodi felly.

Gwybodaeth Cychwyn

I4 [Atod. para. 4](#) mewn grym ar 10.12.2009, gweler [a. 21\(2\)\(a\)](#)

Ariannol

- 5 (1) Rhaid i'r Comisiwn —
- talw i'r Comisiynydd unrhyw gyflog ac unrhyw lwfansau, a
 - gwneud unrhyw daliadau tuag at ddarparu buddion blwydd-dal ar gyfer y Comisiynydd neu mewn perthynas ag ef,
- y darperir ar eu cyfer gan delerau penodi'r Comisiynydd neu o danynt.
- (2) Rhaid i'r Comisiwn dalu i berson neu mewn perthynas â pherson sydd wedi rhoi'r gorau i ddal swydd y Comisiynydd unrhyw symiau (os oes rhai) ar ffurf —
- pensiwn neu roddion, neu
 - darpariaeth ar gyfer y buddion hynny,
- y darparwyd ar eu cyfer gan delerau penodi'r Comisiynydd neu o danynt.
- (3) Rhaid i'r Comisiwn dalu unrhyw rwymedigaethau rhesymol y mae'r Comisiynydd wedi'u hysgwyddo'n gyfreithlon —
- wrth gyflogi staff,
 - wrth sicrhau bod nwyddau neu wasanaethau'n cael eu darparu, ac
 - mewn perthynas â lwfansau a threuliau personau sy'n rhoi tystiolaeth neu sy'n cyflwyno dogfennau.
- (4) Mae symiau y mae eu hangen er mwyn gwneud taliadau o dan is-baragraffau (1) a (2) i'w codi ar Gronfa Gyfunol Cymru.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Mesur Comisiynydd Safonau Cynulliad Cenedlaethol Cymru 2009, ATODLEN. (See end of Document for details)

Gwybodaeth Cychwyn

I5 Atod. para. 5 mewn grym ar 10.12.2009, gweler **a. 21(2)(a)**

Staff, nwyddau a gwasanaethau

- 6
- (1) Caiff y Comisiynydd, ar unrhyw delerau a bennir gan y Comisiynydd, benodi unrhyw staff neu sicrhau y darperir unrhyw nwyddau neu wasanaethau y mae'r Comisiynydd o'r farn eu bod yn angenrheidiol i helpu i arfer swyddogaethau'r Comisiynydd.
 - (2) Caiff y Comisiynydd wneud trefniadau gydag unrhyw gorff cyhoeddus neu ddeiliad swydd gyhoeddus, ar unrhyw delerau y bydd y Comisiynydd a'r corff hwnnw neu'r deiliaid swydd hwnnw yn cytuno arnynt, i'r corff hwnnw neu'r deiliaid swydd hwnnw ddarparu unrhyw wasanaethau y mae'r Comisiynydd o'r farn eu bod yn angenrheidiol i helpu i arfer swyddogaethau'r Comisiynydd.
 - (3) Wrth arfer pwerau o dan is-baragraffau (1) a (2) neu o dan adran 11(3), rhaid i'r Comisiynydd roi sylw i gyfrifoldebau'r Clerc, yn rhinwedd ei swydd fel prif swyddog cyfrifyddu'r Comisiwn, o dan adran 138(3)(a) o'r Ddeddf.
 - (4) O ran unrhyw rwymedigaeth y gall fod yn ofynnol i'r Comisiwn ei thalu o dan baragraff 5(3), rhaid i'r Comisiynydd ymgynghori â'r Clerc a rhaid iddo wneud hynny—
 - (a) os yw'n rhesymol ymarferol gwneud hynny, cyn ysgwyddo'r rhwymedigaeth o dan sylw,
 - (b) os nad yw, cyn gynted wedyn ag y bydd yn rhesymol ymarferol.
 - (5) Rhaid i'r Comisiynydd roi sylw i unrhyw sylwadau a gyflwynir gan y Clerc pan ymgynghorir â'r Clerc o dan is-baragraff (4).
 - (6) Gall dyletswydd y Comisiynydd i ymgynghori â'r Clerc o dan is-baragraff (4) gael ei chyflawni mewn perthynas â rhwymedigaeth benodol naill ai—
 - (a) drwy roi manylion y rhwymedigaeth o dan sylw i'r Clerc, neu
 - (b) drwy hysbysu'r Clerc y gallai rhwymedigaethau o ddisgrifiad penodol hyd at gyfanswm penodedig gael eu hysgwyddo,ar yr amod, pan fo (b) yn gymwys, fod y rhwymedigaeth benodol o dan sylw yn dod o fewn y disgrifiad a hysbyswyd ac nad yw, o'i chymryd ynghyd ag unrhyw rwymedigaethau eraill y mae'r hysbysiad hwnnw'n cyfeirio atynt, yn fwy na'r cyfanswm a hysbyswyd.

Gwybodaeth Cychwyn

I6 Atod. para. 6 mewn grym ar 10.12.2009, gweler **a. 21(2)(a)**

Gwybodaeth Ariannol

- 7
- Rhaid i'r Comisiynydd roi i'r Comisiwn unrhyw wybodaeth am faterion a thrafodion ariannol y Comisiynydd y mae'n rhesymol i'r Comisiwn ofyn amdani i'w alluogi i gydymffurfio ag unrhyw ofyniad a osodir ar y Comisiwn gan gyfarwyddyd a roddir i'r Comisiwn mewn perthynas â'r Comisiynydd o dan adran 137(1) a (2) o'r Ddeddf.

*Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y
Mesur Comisiynydd Safonau Cynulliad Cenedlaethol Cymru 2009, ATODLEN. (See end of Document for details)*

Gwybodaeth Cychwyn

I7 [Atod. para. 7](#) mewn grym ar 10.12.2009, gweler **a. 21(2)(a)**

Newidiadau i ddeddfwriaeth:

Ar hyn o bryd nid oes unrhyw effeithiau heb eu gweithredu yn hysbys ar gyfer y Mesur Comisiynydd Safonau Cynulliad Cenedlaethol Cymru 2009, ATODLEN.